

اداره مخصوصه

درسعادتده ياب عالی جادهسندھ

محل اداره :

مشرط القیم

اخطار :

مسلكنزه موافق آثار جديده مع المنوئيه

قبول اولنور

درج ابدلہ بن آثار اعادہ اولنار

دين ، فلسفه ، ادبيات ، حقوق و علوم دن باحث هفتهلق رساله در

مؤسسلری : ابوالعلا زین العابدین - ح . اشرف ادیب

سنه لکی التي آیلنی

۶۰ ۳۰

درسعادتده

۸۰ ۴۰

ولایاتده

۸۰ ۴۰

ممالک اجنبیهده

تاریخ تأسیسی

۱۰ تموز ۳۲۴

درسعادتده نسخہ سی ۵۰ پاره در

قیراہدن مقوا بورو ایله کوندریلیرسه سنوی

۲۰ غروش فضله آلنیر

درسعادتده پوستہ ایله کوندریلیرسه ولایات بدلی اخذ اولنور

ایکنجی جلد

۱۲ رجب ۳۲۷ پنجشنبه ۱۶ تموز ۳۲۵

عدد : ۴۷

بوندن صکره بشکرار مظهر انواع التفات اوله رق عرض وداع ايله قبلریمز موضعنه صیغه میه جق برسوخ چاربتیسی ايله ضربان ایتدیکی حالده سرای هایوندن آیرلدق وکمال سرور وابتهاج ايله حضوراً و غیاباً یکدیگری تبریک و تهنیه ایلدک .

ع.ع.

کسب و تجارت و تأسیس صنایع

نظر اسلامیتده مرغوبیتی

مابعد

(۸) « ان روح القدس [۱] نفث فی روعی ان نفساً ان تموت حتی تستکمل رزقها وان ابطأ عنها فاتقوا اه واجملوا فی الطلب ولا یحملکم استبطاء شیء من الرزق علی ان تطلبوه بمصیة اه فان اه لاینال ما عنده بمعصيته » [۲]

جناب روح القدس یعنی باعث حیات حقیقه ، واسطه فیوضات ربانیه اولان جبریل امین علیه السلام بنم قلب تابنا که فیض بارشادت اولمشدر که هیچ بر نفس بشریه استکمال ارزاق مقدره ایتدیکجه اکیال حیات صوریه ایتمز . هر فردک رزقی ایر ، کج کندیسنه واصل اولور . [رزقک وصولی بلا طلب ولا سبب دخی اوله بیلور . فصل که بعضاً کثرت مساعی ايله برابر مطلوبدن حرمان ترتب ایدر . فقط بوحالک ایکیسی ده بالنسبه نادر در . بناءً علیه نه احتمال اوله اعتماداً ترک طلب مشروع اولور ، نه احتمال ثانی خوفله بذل مساعیده تراخی معقول کورولور .] بوحالده دائماً اتقوا اوزره اولوکز ، طلب معیشت بابتنده اجمال واحساندن آیرلمه یکنز . رزقکزدن برشیئک استبطاسی ، آرزو ایتدیککمز آنده عدم وصولی سزی صورت غیر مشروعه ده سبی واستجلا به سائق اولماسون . نزد باریده کی فوز و برکته معصیتله نیلکمز قابل دکلدن . جناب رسالتاب افندمن رزقک مقدر اولمینی بیان بیورملری عقبنده بزی طلب رزقندن ، صرف مساعی ذاتیه دن نهی بیورمیور . بلکه جمله مزه طلبده اجمال ، طلب واقعی امر جمیل وحسن عد اولنه جق صورتده ایقاع ایتمکله کمزی امر ایدیور . [طلبک صورت مشروعه اوزره وقوعی بیع و شرا احکامنی بیلوب شهباتدن توقی ، حبله واحتکار کی شرعاً ممنوع اولان تشبثاتدن افراط حرص وطمعندن محابته برابر منصفانه حرکتله تحقق ایدر . بیله جکی امر آشکاردر .]

(۹) « الاسواق موائد فمن اتاها اصاب منها » چارشو و بازارلر ، سوق تجارت عد اولنان محللر جناب حقل عبادی ایچون کشاده قلنمش مائده لری منزله سننده در . اورایه وارد ، طلب معیشته جاهد اولانلر نصیدلرینی آلیرلر . [چارشو و بازاره کیتک داد وستاد ايله اشتغال ایتمکدن عبارتدر]

(۱۰) « لان یأخذ احدکم حبله فیحطب علی ظهره خیر من ان

[۱] بروایتده ان الروح الامین وارد اولمشدر . قرآن کریمده ده بوعنوان جلیل ايله جناب جبرائیلدن تعبیر واقعدر : « نزل به الروح »

[۲] « نفث » نفخ مراد فی اولوب برنوع اوفله مکدر . ضم رائله « روع » قلب صافی معناسنده در « نفث فی الروع » تعبیری ملک و حیک شخصی کورنیه رک صداسی ایشیدلیه رک القای فیض ایتسنده مستعملدر .

یأتی رجلاً اعطاه من فضله فیسأله اعطاه او منعه » سزدن بریکز اینی آلوب اودون طاشیمغه کیتمی فضل و غنایه مظهر بر آدمه واروب عرض احتیاج ایتسنندن خیرلیدر . او آدم کرک ایتسه دیکنی ویرسون ، کرک ویرمسون .

(۱۱) « من فتح علی نفسه باباً من السؤال فتح الله علیه سبعین باباً من الفقر » هرکیم التزام تکاسل ایدوب ده کندی نفسنه - ولو لسان حال ايله - باب سؤالی کشاد ایدر سه جناب باری اولک حقنده یتش عدد فقر واحتیاج قابوسی آچار ، قلبی غنای حقیقندن محروم قلاز .

(۱۲) « ان عیسی عم رأی رجلاً فقال ما تصنع قال اتعبد قال من یعولک قال اخي قال اخوک اعبد منک »

عیسی عم بر رجله ملاقی اولوب نه ايله مشغول اولدیغنی سؤال ایتدی ، عبادتله جوابی آلنجه امر اداره سنی کیمک در عهده ایتدیکنی صور دی ، مخاطب : برادر م دیدی . حضرت عیسی عم : اوله ایه برادرک سندن عابد ایش یعنی سنک معیشتنی تأمین ایتدیکنی جهتله اصل عبادتی برادرک ایفا ایدیورمش ، بیوردی .

[بو حدیث شریفدن عبادته حصر اوقاته بار نفقه بی آخر کسنیه تحمیل ایتک امر مقبول اولمادیغنی مستفاد اولمقده در . بوحالده دینی دنیوی بوتون وظائفی اخلال ايله اختیار عطالت وبالعکس مالا یعنی ومنه یاتیه انهماکله کفران نعمت نظر شرعده نه درجه مذموم اوله . جنی وارسته ایضاح عد اولنق لازم کلیر .]

(آثار علماء وحکماء)

(۱) لقمان علیه السلام اوغلونه خطاباً « کسب حلال ايله صاحب یسار اولمغه چالش . چونکه فقیر اولان کیمسه دائماً اوج شینه معروض قالیر . امور دینه سننده خلل ، عقل ودرایتده ضعف ، مروتنده نقصان بولونور . بونلردن بشقه ودها مدھش اولمق اوزره بی نوعنک استخفافی واستحقارینه دوچار اولور . عزت نفسی غائب ایدر . (۲) حضرت عمر الفاروق رضی اه عنه اثنای خطبه ده جماعته خطاباً « یارب! بنی مرزوق ايله دیوبده طلب رزقده تکاسل ایتدیکمز بیلیرسکمز که اوزر کزه کوکدن آلتون وکومش یا غماز بونلره طالب اولان اسبابی تحری ایتملیدر »

(۳) ینه مشارالیه حضرتلری حدیقه سننده آتاج غرسيله مشغول اولدیغنی کوردیکی زمان محمد بن مسلمه نام صحابی به خطاباً « یک بیوک اصابت! بویولده اشتغالاتکیزی مشاهده ایتدیکجه غایت مسرور اولیورم . انسان بوسایه ده احتیاجدن وارسته اولور . هم دینی اعلا ، هم شرف ذاتیسی ایفا ایتک ایتسه بن احراز ثروتدن بشقه واسطه بولاماز » بیورمشلدر . کلام آخر لرنده ده شویله وارد اولمشدر : « اهل و عیال ایچون مبايعات ، بیع و شرایه دائر معاملات ايله اشتغال ایتساننده اولک غزاده اثنای حیات قدر شرفلیدر »

تابعین کرامدن ابراهیم نخعی رحمه اه « نزد کزده تاجر صدوق ايله زاهد متعبدکله هانکیسی افضلدر » دیه مراجعت ایدنلره جواباً « بنجه تاجر صدوق محافظه استقامتله دها بویوک مجاهده ده بولنمش اوله جفندن مرتبه سی بالاتر در » دیمیشیدی . (حسن بصری حضر تری بورایه مخالفدر)

اکابر اصحابدن عبدالله بن مسعود رضی الله عنه « بن برکیتسه نی نه دنیا ، نه آخرت امورنده اولیوب فارغ و معطل کوررسم غایت متأثر و متضرر اولورم » .

ابراهیم ادهم قدس سره — برکیده بولندقلری ائشاده شدتلی بر فورطنه ظهوریله امواج دریا متلاطم ، هرکس بیم جان ایله مضطرب و متألم اولمسی اوزرینه : آمان اقدم ! حالز نه اوله جق ! نه دهشتلی بلایه طوتولوق .. دین رفقه سنه خطاباً : « بورشی دکل ! اصل شدت انسان اسیر عطلالت اولوب ده احتیاج دائمی به گرفتار اولمقدیر » بیورمشیدی ، تابمیدن ابوقلابه رح — بر دوستنه خطاباً : « سنی تجارتله مشغول کوردیکم زمان زاویه مسجده قائم کورمکدن زیاده ممنون اولورم . چونکه مشغله تجارت حسن نیتله اولونجه عبادت متمدیه عداولور . اکابر صوفیه دن ابوسلیمان دارانی حضرتلری بر مریدینه خطاباً « لیس العبادة عندنا ان تصف قديمك وغیرك یقوت لك ولكن ابدأ برغيفك فاخرها ثم اعمد » یعنی بزم نظر مزده غیری کیمسه نك متى تحتلده تعیش ایدوب ده آياقلری نمازده تصفیف ایتك عبادت كامله دكلدر . عبادته رغیفیشکی ، ایکی کونلك طعامکی احضاردن بدأ ایتله بعهده انواع سائرینه ایفایه جالشمالیسك « بیورمشلر .

[مابعدی وار] مناسترلی اسماعیل حق

شرف

بشریتی تشکیل ایدن مختلف اقوامك ورد زبان ایله یکی بولكه نك معنای حقیقیسندن چوقلری بی خبردر . خالق بر قسمی شرف محترم کاشانه لر ، ملائک و جوده کتیرمك ، طاوانلری دیوارلری یالیزلره غرق ایتك ، بر سوری خدم حشم بسلمك ، کهیلانلره ، محشم عربلره بینمکدن عبارت ظن ایدیور . دیگر قسمی شرف قیمتدار ، مزین لباسلر کینمکده ، الماس کی یاقوت کی زمرد کی کرانها جوهرلر طاشیمقددر ظننده بولنیور . ده بشفه لری شرف بلكك ، پاشالاق کی رتبه لده یاخود فلان صنفك فلان درجه سندن ویریلان نشانلرده در واهمه سنی بسلیور . بر حالده که حریف قدراشك ماملک کی غضب ایدیور ، اقرباسك ، یاخود ابنای ملتك ، یاخود وطنداشلرینك خانمانی بیقیورده کندیسنه بر کوشك یایدیریور . صکره او کوشکه بر چوق پاسبانلر ، بر چوق خدمتکارلر طولدیره رق بوصورتله ابدی بر محجده ، سمردی بر مفخرته نائل اولدیغنه ، وارسه یوقسه شرفك کندی حالندن عبارت بولنه جفته ذاهب اولیور .

بر طاقلری ایسه بالای عنوانه بوالقاب فاخره دن برینی آصق ، کوکسنی بر نشان یاخود بر ناطق مفخرته تزیین ایده بیلمك ایچون کیجه سنی اویقوسزلقله کوندوزینی بیک درلو اندیشه لر ایله کچیریور . مطلبنه وصول ایچون مراجعت ایده جکی وسائل ماهیت اعتباریله نه اولور ایسه اولسون عننده مساوی . ایسترایسه او وسائط مملکتلرک خرابیتنه ، ملتک پریشانیسنه ، سفالته سبب اولسون ، او شاهقه شرفه یوکسلیکنه قانع اولیور .

بزبوکی او هامك انسانلردن يك چوغنك اذهاننده حقیقت اولوق اوزره تلقی ایدلیکنی کوروب طور بیورز . لیکن ظن ایتیز که بونلرک جمال حق کوره جك کوزلری بسبتون کوز اولمشدرده خطالری ، حقیقتدن انحرافلری فرق ایتیورلر . کاشانه لریله ، خدمیله ، حشمیله اعلان مباهاات ایدن بر آدم کندینی حقیقه تأمل ایده جك اولسه عجبا نه بولور ؟ صمیم موجودیتدن طویماز می که مدار مباهاات عد ایتمکده اولدینی بوکی اسبابی جمع ایتدکن بشقه تصور ایدیله بیله جك نه قدر شیلر واریسه هپسنه مالک اولسه ، بتون مکتسباتی ایچنده نظرنده اك عزیز اولمسی طبیعی بولسان کندی ذاتی کمال نامنه هیچ برشی استفاده ایتیور ، قزاندینی بتون شیلر کندیسنه قارشی اجنبی در ؟ آرده کی نسبت اونلری الله ایتك ایچین اختیار اولنان شدائدن عبارت . کورمز می که انقلابات زمان بو خصوصده کندی موقعنه واران یاخود ده ایلری کیدن بر چوقلرینك الارنده کنی آلمشدرده کندیلری نه فات و جواهر ذات نامنه نه یه مالک ایسلر اونکله بر ایشدر ؟ بوکی فلاکتزدکلك اساساً کمال انسانیدن بر حظی یوق ایسه او عاریت اسباب علاکتدیکی کی کندیلری ده طبقات سافله اره سنه اینلرک آرتق قلوب ناسده هیچ بر موقع شرفلری قالمیور .

کندی ذاتنده حلیه فضیلت یاخود زینت کمال بولمیه رق صرف آرایش مادیسیله ، لباس فاخری ایله مباهاات ایدن بر آدم او اسباب مستعار تفاخردن تجرید اولونجه نه حاله کلیر ؟ عریان وسفیل طولاشان فقرا ایله بر اولماز می ؟ بوکی شیلر ایله مباها اولانلر قادینلره مساوی اولدیلری اکلماز می ؟ رتبه سیله ، نشانیله قورولان بر آدم اونشانی طاقازدن ، اورتبه یه یوکسلیزدن اول بر موقع یاخود بر کمال قزائامش ایسه بو حالنده نه اهمیت تصور ایده بیلیور ؟ بیلمز می که کوکسندن اونشان ، اسمندن اورتبه قالدیریله جق اولسه ینه اسکی درکه محقریته اینه جکدر ؟ رتبه سندن طولایی بعض سطحی نظرلر نزدنده نائل تکریم اولسه بیله اکلماز می که بوتعظیم اورتبه یه در ، یوقسه صاحبنه دکلدر ؟ شمدی بوتعظیم سریع الزوال بر حرکت عارضیه یاخود ده اطوغریسی قلب ایله تماسی اولمیان ظاهری مراسمدن عبارت اولماز می ؟

اوت ، بوکی شرفی القاب شرافتی بتون عالمک مظهر اعترافی اولان بر بیوک حرکت اوزرینه توجیه ایدیله جك اولور و اولقب سامعینک افکارینی او امر خیره سوق ایده جك اولور سه طبیعی قیمتی بیوکدر . فصل که بتون عقلای بشرک مبغوضی اولان بر حرکتی متعاقب آنان نشانلر ، رتبه لر صاحبنه شان دکل ، شین ویره رک هیچ بر قیمتی اوله ماز .

نظر امعانی آج ، احوالی تأمل ایت ، خطایه دوشمه . چو نکه صوابدن او قدر اوزاق دکلک : دشمنلری طرفدن پلونه آرسلائی نامیله یاد اولسان غازی عثمان پاشا قزاندینی رتبه یی لقبی ، موقع رفعی الحق ملتک حقوقی مدافعه ، دینک شانی اعلان ایچون فدای حیاتی کوزه آلدقن ، فضائی یار و اغیاره تسلیم ایتدیردکن صکره احراز ایلدی .

حالبوکه ینه دیار اسلامده او یله امر کوردک که دشمن عسکرینک اوکنه کچهرک کندی مملکتلرینک قولرینی انکایزله آچدیله ده شو